



মেঘনা বুলেটিন

এপ্রিল, ২০২২; সংখ্যা-৪৯

আমাদের সম্পর্কে

রেডিও মেঘনা (উপকূলের কণ্ঠস্বর) কোস্ট ফাউন্ডেশন এর একটি কমিউনিটি রেডিও। বাংলাদেশের উপকূলীয় এলাকার প্রান্তিক মানুষের জীবন-মান উন্নয়নের জন্য কাজ করে। এটি উপকূলীয় দ্বীপ ভোলার চরফ্যাসন উপজেলায় ২০১৫ সালে যাত্রা শুরু করে। রেডিও মেঘনা বৈধ অধিকারের দাবি, সমাজে বৈষম্য দূরীকরণ, জলবায়ু পরিবর্তনের প্রভাব মোকবেলা ও পরিবেশ সুরক্ষা, মৎস্য, কৃষি, লিঙ্গীয় সমতা ও শিক্ষাখাতে সামাজিক, সংস্কৃতিক ও গ্রামীণ উন্নয়নে উৎসাহী করা এবং জনগণের সক্ষমতা বৃদ্ধির জন্য দরিদ্র কণ্ঠস্বর বাড়াতে কাজ করে।

রেডিও মেঘনা শুনে আধুনিক পদ্ধতিতে গরু মোটাতাজা করছেন চরফ্যাসনের আছমা বেগম

গরু পালন করে, অধিক লাভবান হতে চাইলে অবশ্যই গরু মোটাতাজাকরণ সম্পর্কে জানতে হবে। তবে গরু মোটাতাজা করতে অবশ্যই সঠিক নিয়ম অবলম্বন করতে হবে। চরফ্যাসনের হালিমাবাদ এলাকার অনেকের মধ্যেই গরু মোটাতাজা করার উৎসাহ দেখা গেছে।

এই এলাকার আছমা বেগম (৩০) জানান, তিন ছেলে মেয়ে বড় হচ্ছে, সংসারের খরচ বাড়ছে। গৃহিনীদের বাড়তি আয় হিসেবে গৃহপালিত পশু-পাখি পালন করেন। তাই আছমা বেগম গরু পালন করে সংসারের আয় বাড়াতে চেয়েছেন। গরু পালন করে যেমন লাভ হয়েছে, তেমনই কোন কোন বছর লোকসান গুণতে হয়েছে। তিনি গরু পালনে অনেক শ্রম দিতেন এবং খুব যত্নও করতেন। কিন্তু সব সময়ই লাভ থাকতো সীমিত। আছমা বেগমের নিয়মিত রেডিও শুনার অভ্যাস ছিল। রেডিও মেঘনার মাধ্যমে জানতে পারলেন গরু মোটাতাজাকরণ সম্পর্কে। তার সাথে কথা বলে জানা যায় রেডিও মেঘনা শুনে তিনি স্বাস্থ্য সম্মতভাবে গরু মোটাতাজাকরণ শুরু করেন। দিনে তিন বার খামার পরিষ্কার করেন, শীতে কুসুম গরম পানি দিয়ে গোসল করান, দুইবার দানাদার খাবার দেন পাশাপাশি কাঁচা ঘাসও দেন, এক কথায় নিজের সন্তানের মত করে যত্ন নেন। বিভিন্ন রোগ প্রতিরোধে পশু ডাক্তারের পরামর্শ অনুযায়ী ভ্যাকসিন দেন।

এছাড়াও জানা যায়, আছমা বেগমের গরু মোটাতাজাকরণ পদ্ধতি দেখে উৎসাহিত হয়েছেন একই এলাকার রাশিদা বেগম। আছমা বেগম তাকে গরু মোটাতাজাকরণ সম্পর্কে বলেছেন এবং পাশাপাশি রেডিও শুনে বলেছে। খোঁজ নিয়ে জানা যায়, রাশিদা বেগমও যত্ন সহকারে চেষ্টা করছেন এবং অভিজ্ঞতা বাড়ানোর জন্য নিয়মিত রেডিও শুনে।



